

K296.1

100

(490:1)

中國方志叢書·華北地方·第四五八號

據

民國·靳蓉鏡、晉克昌等修，蘇寶謙纂
民國二十五年鉛印本

影印

河南省

鄆陵縣志

(二)

成文出版社有限公司印行

鄆陵縣志卷四

地理志一

沿革 疆域 地質 星野 經緯度 暑度 氣候 風俗

沿革

周初爲鄆國

詳大事志

春秋曰鄆又曰鄆陵屬鄭

韋昭國語注引唐固曰鄆鄆皆鄭武公所滅鄭既滅鄆初仍

其故名後乃改爲鄆陵耳 杜預隱公元年傳注鄆今潁川

鄆陵縣成公十六年傳注鄆陵鄭地今屬潁川郡 范甯穀

梁集解鄆鄭地 服虔左傳解誼鄆陵鄭之東南地也 續

漢書鄆國志鄆陵春秋時曰陽劉昭注曰春秋鄭共叔所保

鄆陵縣志

卷四 地理志

沿革

一

開封府志印所承印

李吉甫元和郡縣志鄆陵縣春秋鄭伯克段於鄆晉楚戰於鄆陵並此地 樂史太平寰宇記鄆陵春秋時鄭邑隱公元年鄭伯克段於鄆是也 歐陽忞輿地廣記同 顧祖禹讀史方輿紀要春秋鄭伯克段於鄆成公十六年晉敗楚於鄆陵韋昭曰古鄆國爲鄭武公所滅國語執鄆八邑鄆其一也 錢坫新斟注漢書地理志鄆陵司馬彪杜預並以爲卽鄭共叔所保之地惟趙匡以爲非也春秋傳楚恭王與晉厲公戰於鄆陵淮南子作陰陵疑卽此矣古字鄆陰通用 羅泌路史國名記楚之鄆都與莒鄆鄭鄆異羅莘註曰穆叔如莒及鄆陵登鄆陵城今沂之安陵也鄭克段於陽則開封之

鄢陵漢之故縣晉鄢戰鄢陵則鄢地程公說春秋分記
理書鄢有二隱元年鄭伯克段於鄢鄭地也桓十三年及鄢
亂次以濟昭四年遷賴於鄢楚邑也程恩澤國策地名攷
鄢有三一在今柘城縣北二十九里又在甯陵縣南二十五里地理志陳
留郡有偽縣是也寰字記以此為鄢伯克段之地似誤一在今鄢陵縣西北十
八里一作五里地理志潁川郡有偽陵縣是也一在今鄢城縣南
五里地理志潁川郡有鄢縣是也唐固云鄭滅鄢初仍其故
名後乃改為鄢陵則鄢卽鄢陵也春秋晉楚戰於鄢陵傳云
亡師於鄢是其證國策以許鄢陵連文凡數見皆指今鄢
陵縣言若甯陵則別為一地鄢城則其字從鄢均與此無涉

趙匡謂鄢當作鄆在緱氏縣南非是一統志僞縣故城在
柘城縣北漢書地理志注應邵曰鄭伯克段於鄆是也按潁
川有僞陵故屬鄭地此陳留之僞非也應邵說誤 閻若璩
尚書古文疏證段入於鄆杜解今潁川鄆陵縣漢志僞陵縣
屬潁川郡僞縣屬陳留郡應邵曰鄭伯克段於鄆是後漢
縣下無注陽陵縣司馬彪曰春秋時曰僞劉昭注曰春秋鄭
共叔所保故曰克段於鄆又成十六年晉敗楚於鄆陵將鄆
與鄆陵合爲一地與杜註兩處皆屬潁川郡者正同東海公
亟賞之曰不獨此元和郡縣志鄆陵縣云克段晉楚戰並此
地其確指如是若漢僞縣今在柘城縣北者自屬宋地共叔

豈有遠保宋地之理應邵注實誤 春秋分記鄆亦曰陽陵
成十六年晉敗楚於鄆陵卽此六國時曰安陵兩漢晉爲鄆
陵縣俱屬潁川郡按後漢志曰春秋時曰鄆注曰克段於鄆
晉敗楚於鄆陵釋例亦然知其爲鄆之鄆無疑惟是漢陳留
郡有曰僞王莽所易爲順通在東漢屬梁國者是也應邵於
前漢志誤以陳留之僞爲克段之鄆水經據以爲正謂克段
於鄆其地在陳留杜預誤作潁川鄆陵蓋從應邵注耳此自
應誤何得云杜誤乎 趙一清水經注釋曰今水經中俱無
克段之文克齋所引豈無誤耶蓋是書多缺失耳寰宇記
鄆城在宋州柘城縣北二十九里春秋時實陳株野地鄭伯

克段之鄆在潁川不在陳留也 文獻志按應鄆地理志注
王應麟詩地理攷錢大昕廿二史考異潛研堂文集並以克
段之鄆卽陳留之鄆余攷陳留之鄆元和郡縣志曰故鄆城
在甯陵縣南五十二里水經注潁水又東逕大棘城南故鄆
之大棘鄉也范甯曰大棘宋地春秋僖公二十二年楚人伐
宋戰於泓寰宇記鄆城北里許有泓水卽宋楚戰處鄆城在
今柘城縣北三十里柘城與甯陵接壤歷代割隸不常故所
指各異要皆爲宋地在今歸德府界旣非鄆地段之徒衆何
能遽入之莊公何能遽伐之卽以奔共道里論鄆陵在鄆東
南二百餘里奔共固遠

共在
鄆縣

柘在鄆東三百餘里奔共亦豈

爲近乎吾故取韋昭

國語

杜預

春秋

范甯

穀梁

司馬彪

漢志

劉昭

續漢志

諸家之說以爲克段之鄆卽晉敗楚之鄆陵也

文獻志又按元和郡縣志於鄆陵下曰鄭伯克段於此又曰故鄆城在甯陵鄭伯克段於此一事兩屬且以漢之鄆縣爲克段之鄆誤矣何尊聯道光鄆陵志鄆陵與鄆本爲一地經傳中或書鄆或書鄆陵耳春秋時此例甚多如邾之或書邾邾瑕之或書邾瑕是也文獻志按左傳楚共王曰孤不德亡師於鄆遂啟疆曰楚無晉備以敗於鄆晉語曰鄆之戰鄆至以秣韋之附注楚語曰及鄆之役晉將遁矣又曰穀陽豎愛子反之勞也而獻飲焉以弊於鄆皆指鄆陵之戰言而

書曰鄢蓋經傳或書鄢或書鄢陵古人紀事固無定例而鄢與鄢陵爲一地益可見矣

戰國曰鄢

魏策蘇秦說魏王曰大王之地南有許鄢鮑彪注鄢屬潁川吳師道注鄢史作鄢索隱曰潁川有許鄢二縣又有鄢陵縣故所稱多惑張琦國策釋地鄢今鄢陵韓策趙敖謂建信君曰秦出兵三川則南圍鄢蔡邵之道不通矣魏急其救趙必緩矣鮑彪注謂潁川鄢陵汝南二蔡邵陵

又曰鄢陵

魏策張儀謂魏王曰楚破南陽九夷許鄢陵危張琦釋地鄢

陵今在縣西南四十里 秦策梁氏寒心許鄢陵嬰城 魏策魏軼謂春申君曰魏且旦暮亡矣不能愛其許鄢陵與梧割以予秦

又曰安陵

史記田敬仲世家宣公十四年伐魯葛及安陵張守節正義引括地志鄢陵故城在許州鄢陵縣西北十五里李奇曰六國爲安陵也 魏策王之使者大過矣乃惡安陵氏於秦吳師道注引大事記安陵在鄢陵西北 輿地廣記鄢陵戰國謂之安陵 程恩澤國策地名攷安陵魏攻管而不下章曰安陵小國也 秦人使人謂安陵君曰章原注魏記注召陵

有安陵恩澤按魏世家注本兼引召陵征羗鄢陵三處

詳見
魏策

並非專主召陵水經注洧水又東逕鄢陵縣故城南李奇曰
六國爲安陵也昔秦求易地唐且受使於此則道元蓋主鄢
陵又曰十三州志主召陵道元非之道光鄢陵志召陵鄢
陵皆有安陵續漢書郡國志云故征羗有安陵亭征羗城在
鄢陵縣爲古之召陵故顧祖禹方輿紀要云鄢陵縣東南
七十里有安陵城此召陵之安陵也至六國時安陵君所封
則當從李奇之說在今鄢陵鮑彪戰國策注以召陵之安陵
釋此誤矣武億授堂文鈔安陵魏地古字從通安與焉本
一也戰國策之安陵以說苑證之秦王以五百里封鄢陵之

君辭不受使唐睢謝秦又大戴禮慮氏注云安或爲陽漢書地理志潁川郡下僞陵李奇曰六國爲安陵是也然鄆陵字從阜從邑又從人其實古字皆省作焉史記晉世家楚兵敗於鄆陵徐廣曰一作焉尤可以舉明如此 文獻志按安陵見於國策史記鮑彪曰安陵屬召陵司馬彪郡國志曰召陵有安陵鄉征羌侯國有安陵亭劉昭注曰王之使者出使而惡安陵氏於秦博物記故安陵君也闕驛十三州記意與此略同家謂諸家之釋安陵皆傳寫故讀惟酈道元嘗爲長社辛去鄆陵最近且究心輿地其注水經曰洧水逕鄆陵故城南昔秦求易地唐且受使於此潁水注曰潁水又東南逕征

羌縣故召陵縣之安陵亭也世祖建武十一年以封中郎將
來款款以征定西羌功故更名征羌也關駟引戰國策謂秦
王欲易地請此非也以召陵爲非則必以在鄢陵爲是矣又
魏書地形志載鄢陵有唐且冢唐且受命安陵以言衛國卒
葬於此理有可信遵是二說與李奇張守節皆合至劉昭既
以安陵屬之召陵更於鄢陵下注曰六國爲安陵一名而屬
之兩地謬可知矣 又按方輿紀要引水經注尉氏安陵鄉
以釋此蒙謂鄢尉分壤自漢已然顧氏說誤

屬魏

魏策安陵君曰安陵之地亦猶魏也 吳師道韓策注鄢屬

魏策於魏多言許鄢陵 又韓策注鄢陵召陵皆屬楚 國
策釋地鄢陵召陵皆有安陵鄢陵屬魏召陵屬楚徐廣以召
陵釋魏安陵故正義主鄢陵以糾其失吳氏援以說楚又曰
鄢陵召陵皆屬楚誤矣鄢陵故城在今縣西南四十里安陵
城在今縣西北十五里 文獻志按史記秦王政二十二年
李信攻楚鄢郢胡三省通鑑注曰此鄢郢非楚故郢之鄢郢
也據楚都壽春以壽春爲郢則其前自郢徙陳亦必以陳爲
郢矣然則此郢乃陳也鄢卽潁川之鄢陵道光鄢陵志遂據
此謂鄢陵曾屬楚蒙謂不然攷秦王政六年楚自陳遷壽春

卽今壽州

命曰郢去鄢陵遠矣必不以鄢陵爲別都也王翦傳云

李信攻平與蒙恬攻寢大破荆軍信又攻鄢郢破之於是引
軍而西按平與在今汝陽寢在今固始皆去今壽州漸近鼓
行而前直搗壽春豈肯迴軍數百里攻鄢陵與陳州也哉且
鄢陵於秦王政六年尚見於策迨二十二年魏已亡矣安陵
君猶不肯易地於秦豈能南折而入於楚乎卽斯以觀鄢陵
之不屬楚昭昭矣

又屬韓

史記韓世家秦伐臣我鄢張守節正義曰今許州鄢陵縣西
北十五里有鄢陵故城是也 胡三省通鑑注春秋晉敗楚
師於鄢陵此鄢也 讀史方輿記要鄢陵戰國屬韓

漢初爲侯國

水經注李奇曰漢高帝十二年封都尉朱博爲侯國詳後朱
潁城

漢屬豫州潁川郡

漢書地理志潁川郡僞陵莽曰左亭

後漢因之

續漢書郡國志潁川郡僞陵 文獻志按漢書地理志陳留
郡有僞縣施我真邑志謂光武時并僞入鄆陵吳志謂僞近
尉氏鄆陵近許州相去不過數十里道光志引郡國志謂凡
前志有縣名今所不載者皆世祖所并者也後漢無僞縣則

鄆陵縣志

卷四 地理志

沿革

八

開封新陳印務所承印